

10

# PROGRAMMA

QVO

AD

SOLEMNEM ADMIRANDÆ ET SALVTI-  
FERÆ INCARNATIONIS SALVATORIS  
ET REDEMPTORIS GENERIS

HVMANI

# JESU CHRISTI

## FESTIVITATEM

devotâ pietate, debitaq; cum gratitu-  
dine celebrandam.

### RECTOR

ACADEMIÆ ROSTOCHIENSIS

## JOANNES BACMEISTERVS

Med. D. P. P. & Poliater

Omnes

### ACADEMIÆ CIVES


*invitat ac seriò hortatur.*

---

ROSTOCHII,

Typis Hæredum NICOLAI KILII, Acad. Typog.





In temporum memoriam replicamus, eandemq; accurate pervolvimus, nullum serè populum in immensa hac rerum universitate unquam fuisse deprehendimus, qui homines virtute & rerum præclare gestarum gloria insignes ac de republ. optimè meritos, majoribus honoribus affecit, quam Romanos. Non solum enim eorum Natales in Fastos relatos quotannis peculiari ritu & singulari solennitate transgerunt: sed etiā Statuas & Monumenta illis erexerunt, ac Dys adnumerarunt. Suetonius l. 2. c. 57. de Octavio Cesare Augusto refert, quod Equites Romani natalem eius spontè atq; consensu s. confessu, biduo semper celebrarint; & Dio Cass. lib. 54. Augusti natalem Circensibus & Venatione quotannis per unum aliquem e Prætoribus fuisse celebratum narrat, quos ludos deinceps de nomine Augusti vocatos Augustales Tacit. l. 1. annal. c. 16. testatur. Cum enim ex Græciensi & Sicula peregrinatione redux Augustus, passus est inter alios honores *Ἰούλιε ἐπαναγῶγα βαμὸν ἰδρυθῆναι, καὶ τὴν ἡμέραν ἦν ἀφίξοιτο ἐς τὴν ταῖς ἱερομενίαις ἀειθμαῖοιται, καὶ Αὐγυσθαλία ἐνομαζέσθαι.* h. e. Fortunæ Reduci aram sacrari, diemq; sui reditus inter ferias referri, & Augustalia dici, teste Dion. Cass. lib. 53. Verum quod Suetenius de Ordine Equestri solum affirmat, id alij de plerisq; etiam Collegijs verum esse scribunt, qui eundem diem quoq; festivum habuerunt, & insuper Arcam ipsis communem ad festivitatis eius impensas constituerunt, quemadmodum id ex Veteri hac inscriptione quæ Romæ reperitur, patet

COLLEGIO. CENTONARIORVM. CVM. BASI. MARMOREA. ET. CERIOLARIB. DVOBVS. ÆREIS. HABENTIBVS. EFFIGIEM. CVPIDINIS. TENENTIS. CALATHOS. L. SEXTILIVS. SELEVCVS. DECVRIO. D. D. HOC. AMPLIVS. ARK. RET. P. COLLEGII. SS. DONVM. DEDIT. -X-V. VT. EX. VSVRIS. CENTESIMIS. EIVS. QVANTITATIS. QVÆ. EFFICIT. ANNVOS-X-DC. DIE. VIIII. KAL. OCTOB. NATALI. DIVI. AVGVSTI. EROGENTVR. EX. ARK. Quod idem Tacitus loc. cit. etiam confirmat, & addit, Tribunos his Ludis præfectos mortuo Augusto qf. sacros habitos fuisse, & tri-

58700.10





& triumphali veste usos esse, ad exemplum Consulū & Prætorū, quibus  
in Circo ludos præbentibus ius togæ pictæ secundum juvenal. lib. 4. sat. 10.

Et medio sublimem in pulvere Circi

In tunica Jovis, & pictæ Sarrana ferentem

Ex humeris aulea togæ.

Senatus Insuper cum Pop. R. filiali Augustum observantia prosecuti sunt,  
dum ipsum per Valerium Messallam Patriæ patrem consalutarunt, quem-  
admodum id Sueton. l. 2. c. 58. annotavit, & Ovid. lib. 2. Fastor. Vbi de  
laudibus Cæsaris Augusti sic loquitur.

Sancte PATER PATRIÆ; tibi plebs, tibi Curia nomen

Hoc dedit: hoc dedimus nos tibi nomen eques.

Res tamen ante dedit: sero quoq; vera tulisti

Nomina. Jam pridem tu Pater Orbis eras.

Hoc tu per terras, quod in æthere Juppiter alto,

Nomen habes; hominum tu pater, ille Deūm.

Nec non Horatius l. 1. Carm. Od. 2. Hic ames dici Pater atq; Princeps.  
Quamvis autem summus hic erat honos; tamen nondum acquiescere po-  
tuerunt sed, cum Mense sextili & primum Consulatum iniisset, & tri-  
umphos tres in urbem, intulisset, & ex janiculo legiones deductæ, se-  
cutæq; fuissent eius auspicia ac fidem, ac Ægyptus hoc mense in po-  
testatem redacta fuisset, finisq; hoc mense bellis civilibus impositus  
esset: atq; ob has causas hic mensis huic imperio felicissimus esset,  
placuit Senatui, ut hic mensis honori AUGUSTI daretur, & inpo-  
sterum Augustus appellaretur, Macrobio teste. Quot autem & quales  
Statuas & Monumenta ubicunq; locorum in honorem AUGUSTI crexerint,  
hic nimis longum foret recensere, nec unius Programatis pagellæ omnia ca-  
pere possent: Quitamen illis delectatur, pervolvat Inscriptiones antiquas  
Orbis Romani à Jano Grutero collectas à pag. 224. ad. 238, Vbi plus quam  
LXXX. reperire licet. Tandem quoq; Divinum ipsi AVGVSTO exhibue-  
runt honorem, illumq; DEVM esse & personam hominis induisse ad orbem  
pecandum, Romanæ fidicen lyræ l. 1. carm. Od. 2. clare testatur, quando

Sive, inquit, mutata juvenum figura

Ales in terris imitaris, almæ

Filius Majæ, patiens vocari

Cæsaris ultor.

Non dicam jam quid de Ludibus quinquennialibus tam à Senatu Pop. q; Ro-  
mano, quam ab ipso etiam Herode Judææ Rege ad honorem gratiamq; AV



GVSTI institutis Sueton. in August. Tacit. l. 14. Annal. c. 18. & Joseph. l. 15. Antiquit. judaic annotarunt. Silentio quoq; involvam ea, quæ de J. Cæsare, Tito, Nervâ, Antonino, Domitiano & alijs historiagraphorum codices nobis reliquerunt. Horum namq; Natales præcipua cum veneratione coluerunt, & præclara ac exornata Trophæa, Illustrium Victoriarum insignia in disjunctis terrarum oris in illorum honorem erexerunt; Vnde de Natali Domitiani Imperatoris Martialis

Cæsaris alma dies, & luce sacratior illa.

Conscia Dictum qua tulit ida Jovem.

Nec Viris solum, sed & Fœminis præprimis autem Veturiæ & Volumniæ ædes ac aras ceu nunquam intermoritura animi grati monumenta exstruxerunt, quod illa Natum, hæc verò Maritum suum dilectum Coriolanum Vrbi Romæ patriæ suæ ingratae bellum inferentem, precibus expugnarit, ac ita eam ex flammâ atq; ferro ac pœne ex faucibus sati eripuerit & conservarit. Quod si igitur Romani, quorum animi densissimis errorum tenebris involuti, ea, quæ nobis divinitus affulsit, æternæ veritatis luce caruerunt, unius duntaxat Urbis aut Regionis liberatoribus & liberatricibus tanta honorum insignia detulerunt. Quanto æquius erit, ut nos, qui Christianorum sacris initiati sumus, memoriam eius diei celebremus, quâ Filius DEI, cujus Majestas erat infinita, Potentia interminata, Sapientia inexhausta, magnitudine amoris abreptus ex augustissimo Majestatis suæ fastigio semetipsum demittens ad humana conditionis humilitatem accommodavit, nostræq; carnis tuniculâ se amicivit, ut nos, Cacodæmonis calliditate improbiissimâ in fraudem pellectos, à pœnis æternis liberaret, & in antiquum dignitatis locum apud Patrem suum Cœlestem restitueret, sicq; non unius Urbis & imperij, sed totius Orbis terrarum, totiusq; mortalium generis liberator & redemptor fieret. Nam ad rerum à Christo fortiter gestarum collationem vel omnia omnium Imperatorum Romanorum Trophæa monumentaq; non dicam sordent squalentq; miserè, sed in nihilum prorsus evanescent. Etenim liquido constat, quantò æterna temporalibus, immortalia caducis, divina humanis antecellunt, tantò esse Victoriâ, quæ à spiritualibus reportatur hostibus, anteponendam reliquis à corporalibus reparatis victoriis omnibus. Cum itaq; Dies hic sanctissimis Patriarchis ac Prophetis diu multumq; optatissimus denuo nobis illuxerit, Veræ Religionis pietas quoq; efflagitat, ut eum cum ECCLESIA rite celebremus, & IMMANVELIS nostri beneficia, quæ humano generi exhibuit, cum Universâ Republicâ Christianâ decantemus. Sive enim DIVINÆ IRÆ magnitudinem, sive magnam LEGIS DIVINÆ



NÆ VIM, sive deniq; DIABOLI hostis nostri atrocissimi potestatem accuratius ponderaverimus, videbimus, omnia hæc Salvatoris nostri JESV CHRISTI optatissimo in carnem adventu esse sopita atq; destructa. Tanta namq; Divinæ Iræ Magnitudo, ut eius aspectu mentes illæ cœlestes & ab omni concretionē mortali segregatæ, percellantur, Cœlum tot pulcherrimis ac flammantibus sideribus ornatum concutiat, imò quævis animantium consternentur. Experti sunt illam primi nostri parentes in Paradiso. Postquam enim obliti mandati divini de arbore scienciæ boni & mali comedissent, Paradiso exclusi Imaginem DEI amiserunt, & per peccatum commissum mortem aliq; mala omnia in omnes posteros introduxerunt. Experti sunt eam posterī Adami circa Diluvium. Ob eorum namq; peccata gravi Irâ incitatus Deus, tam homines quam cuncta animalia paucissimis cum Noacho exceptis in illâ terrarum inundatione delevit, funditusq; evertit. Experti eam sunt Chore, Datam & Abiram, qui, cum magnum in populo Israëlitico tumultū excitassent, Irâ divinâ cum omnibus eorum facultatibus partim ab igne e cœlo delapsa, partim à fundamentis terræ dehiscantibus vivi videntesq; absorpti sunt. Experti deniq; eam sunt Sodoma & Gomorrha regiones illæ fertilissimæ & opulentissimæ, quæ à præpotentis huius rerum omnium moderatoris Irâ ob tot gravia cum turpitudine & dedecore conjuncta scelera ita sunt everse & in cineres redactæ, ut earum jam neq; vola neq; vestigium amplius appareat. Hanc igitur Infinitam Dei severissimi iram nullus mortalium vel punctum temporis sustinere poterat, nêdum superare. Per Filium itaq; cum esset homo conditus, per eundem quoq; servandus erat. Congruebat enim sapientiæ divinæ, ut per idem verbum per quod creati eramus, imago DEI depravata in nobis instauraretur. Ne igitur summum Creaturæ suæ opus perderet Deus, Filium suum unigenitum in utero puræ Virginis concipi voluit, ut conclusas Paradysi fore reseraret, mortis specula frangeret, amissam salutem recuperaret, & iram Patris ardentem sua nativitate placaret; Cuius intercessionē freti, hilari nunc fronte ad thronum Majestatis divinæ accedere, & remissionem omnium peccatorum petere; eamq; indubitatè ab eo expectare possumus. Tantus insuper Legis divinæ rigor, ut à nobis absolutam & omni ex parte perfectam obedientiam postulet, aut mortem nobis in omnem æternitatem sustinendam atrociter minitetur, juxta illud. Deut. 27. Maledictus qui non permanet in sermonibus Legis, nec eos opere perficit, & dicet populus omnis Amen. Quis autem unquam tanta sanctitate præditus fuit, qui istam Legem totam implere: & quid dico totam implere? Imo partem illius perfectè planeq; servare potuit? Nemo. Siquidem nos omnes



quot quot corporis compagibus sumus inclusi, septi his membris mortalibus & irretiti, ita lapsu Protoplastorum nostrorum corrupti & depravati sumus, ut id nullatenus prestare valeamus. Quid igitur nobis erat relictum? Nihil certe, nisi quam quod acerbissimâ & severissimâ Legis sententiâ sempiternis supplicijs mactaremur. Ne autem hoc fieret, ecce filius DEI unigenitus ex augustissimo Majestatis suæ throno se demisit, humanisq; artibus se vestivit, ut nos, qui jam jam in æternum ignem perpetuosq; cruciatus eramus abijciendi, saluari suâ nativitate ab ista Legis damnatione in libertatem vindicaret. Tanta deniq; hostis illius humani generis juratissimi Diaboli, qui dies noctesq; ceu Leo rugiens nos circumit, furens audacia, pestem & perniciem nobis machinans, potestas, ut ferro ac humana potentia vel virtute debilitari frangiq; non possit. Nam Dominus ipse apud Jobum. c. 14. inquit: Cum gladius illum infernalem Leviathan apprehenderit, non movetur: neq; etiam moverur ad lanceam, arma, lorica. Reputabit enim quasi paleas ferrum, & quasi lignum putridum æs. Non fugabit eum Vir sagittarius; pro quisquilijs habentur apud ipsum lapides fundæ. Quasi stipulam æstimabit missilia & deridebit vibrantem hastam. Quis autem erat, qui nos ab hoste hoc crudelissimo liberare, & durum illud graveq; servitutis jugum, quo nos Cacodæmon oppresserat, manu vindice poterat propulsare? Non certe Angeli, multo minus alius quispiam sanctorum huic oneri par fuit: Sed ipse DEI filius hostes infernales immanitate plusquam barbaros, multitudine innumerabiles, locis infinitas, & omni copiarum genere abundantes devicit ac debellavit, venescum serpentis infernalis caput contrivit, & nos miseros æternæq; damnationi addictos ex caliginosissimis Satanæ ergastulis eruit, erutosq; in cœleste domicilium traduxit. O igitur admirandâ & nunquam satis deprædicandam Filij DEI nativitatem! O mysterium verâ divinum & omnium maximum! O singularem & omnibus ante seculis inauditam Filii DEI humanitatem! qui ex augustâ Cœli aulâ in hanc angustam Terræ caulam, ex tranquillo in turbidum, è summâ felicitate in extremas misérias, & deniq; in acerbissimum teterrimumq; mortis genus se conjungere non dubitavit! O ineffabilem, inestimabilemq; in totum genus humanum CHRISTI amorem! Admirabantur historiæ veteres Damonem & Pythiam Pythagoreas, quos ferunt hoc animo inter se fuisse; ut, cum istorum alteri Dionysius tyrannus diem necis destinavisset, & is, qui morti addictus esset, paucos sibi dies conveniendorum suorum causa postulavisset, vas factus sit alter eius sistendi; ut, si ille non revertisset ad diem dictum, sibi ipsi moriendum esset.



esset. At verò si in eo, quod mortalium quispiam pro amico in causa capitis vadem dare veritus haud fuit, admiratio est: Hoc certe quanto admirabilius est, DEI Filium, Deumq; ipsum, ut nos nostro merito sibi inimicos, æternis eriperet supplicijs, tot tamq; dira ac vel dictu vel cogitatu aspera atq; horribilia sustinere voluisse. Christus namq; est qui cælestis patris furorem nativitate sua in favorem vertit: Christus est qui à nostris cervicibus, Legis jugum omni mole gravius, totoq; Mundo ponderosius devolvit. Christus est qui nos miseròs, peccatorum sordibus inquinatos Diaboliq; potentia captos, ex ipsius ore & faucibus eripuit & conservavit. Christus est qui nativitate sua felicissimum reparatæ salutis dedit initium. O laudandam igitur felicitatem nostram! Nobis enim Messias, cuius desiderio prisci Patres tantopere flagitabant, quemq; tantis laudibus ornabant ac cumulabant, est exhibitus. O divinam lucem, qua errorum tenebræ, in quibus hætenus versati sumus, sunt discussæ, vanæq; Ethnicorum superstitiones & Deorum cultus sublata. Obmutuere nunc veræ huius lucis virtute, Dæmonum responsa; Evanuere Oracula. Apollo Delphicus Augusti Cæsaris Legatis sciscitantibus, ecquis ipsi in Imperio Romano successurus esset, hoc Rege nostro nato respondisse iraditur,

Me puer Hebræus divos Deus ipse gubernans  
Cedere sede jubet, tristemq; subire sub Orcum.

Aris ergo dehinc tacitis discedito nostris.

Quod etiam subsequentes Porphyrij versus libro περὶ εὐλογίων φιλοσοφίας, testantur,

Οἱ οἱ μοι τρίποδες σοναχῆσατε οἶχετ' Ἀπ' ἁλῶν  
Οἶχετ', ἐπεὶ φλογοῦν μεβρίαζετε ἔργανιον Φῶς.

h. e. Væ, væ, mihi, tripodes lugete, perijt Apollo;

Perijt, quoniam ardens mihi vim infert cælestelumen.

Quibus autem, ô dulcissime JESV, totius Mundi unica salus, te laudibus effe-remus? quibus te studijs prosequemur? quate benevolentia complectemur? Quo te in honore habebimus? quo te obsequio, quo te DEI Filium osculo, ne forte irascaris, & nos in viâ pereamus, dignabimur? Angeli illæ animæ quæ ab omni corporis admistione puræ sunt, hoc tempore gaudium suum immensum recondere non potuerunt, sed, quasi excelsum illud plenum stellarum domicilium & illustre lætitiæ suæ promendæ non satis amplum foret, factò agmine in terras delapsi sunt, ac Natalem tuum cantibus edendis & nuntijs afferendis dictis & factis mirificè honestarunt. Quanto magis nos decebit  
sur-



*fursum corda tendere, cogitationes terrenas abijcere, totosq; nos tibi IMMANVELI nostro devovere & dicare. Latemur itaq; & exulemus in hoc patriæ cælestis Natali die, quem fecit Dominus, gratisq; animis felicitatem hanc nostram interpretemur; quia nullum collati in nos beneficij præmium, nullum Insigne honoris, ô suavissime JESV, postulas, præterquam ut memoriam huius diei sempiternam agamus, sermonibus augeamus, seris nepotum vocibus hunc tuum Natalem cum veneratione celebremus, tibiq; Regi ac fratri nostro divinum illud & Angelicum melos, Gloria in excelsis Deo, in terra pax, & hominibus bona voluntas, leta mente & pia voce accinamus. Dion. Cass. histor. l. 47. decretum Romæ à Triumviris fuisse, scribit, ut Cæsaris Natalis ab omnibus animo læto, lauroq; coronatis celebraretur, qui id neglexissent, execrationibus Jovis Cæsarisq; ipsius haberentur obnoxij: Si senator, aut filius senatoris, in eo deliquisset is multam decies sestertium penderet. Imperatoris & Salvatoris nostri natalitia qui prophanare ausi fuerint, & in Oenopolijs, tabernis imo fornicibus & ganeis delitescere, quam in æde sacrâ concionibus vacare, per plateas compitatum grassari, tetris & nefandis clamoribus omnes Civitatis angulos implere, quam Angelicis hymnis nato JESV applaudere maluerint, illos non pecuniaria multa, sed Ira JEHOVÆ comprimet & coërcebit. Si igitur, Cives Academici, non stygijs Diaboli fœcibus, infernalive applauda, sed nectare & vera IMMANVELIS nostri Ambrosia frui vœsciq; desideratis, nolite vos ipsos, quos DEVS homines creavit, huiusmodi boatu, latratu, grunnitu rugitu in bestias tales, quorum sonos editis transformare, vobisq; ipsis, periculum & toti cœtui odium & invidiam conciliare. Studiorum gratia à Parentibus in hanc nostram ablegati estis Academiam; studijs itaq; ut invigiletis, dies hos festos puero JESV, totos dicatis, consecretis, ac in pace, quæ nobis per JESVM redita est, vivatis, proq; salute publicâ & privatâ calidas preces fundatis, hortor. P. P. sub Sigillo Rectoratus XXV. Decembris Anno CIO 12CLV. Cuius exitum instantisq; Novi anni ingressum, Vobis omnibus auspiciatissimum animitus precor.*